

皇明經世文編

皇明經世文編卷之四百六十四

華亭

徐孚遠闇公 宋徵璧尚木

選輯

陳子龍卧子 周士勳勒卣

董雲申士開參閱

王司馬奏疏

疏

王象乾

備陳撫欵事宜疏

撫欵事宜

題爲備陳撫虜之因酌計欵虜之費深言用虜之策以息羣議以決戰守機宜事准經略遼東兵部尚書

王在晉會稿頃接邸報兵部爲會議事奉聖旨西
虜旣爲我用賞賜不給何以固結其心這撫賞事宜
旣會議明白著于額內緊急錢糧先發應用餘俟續
發便行與經督官用心料理毋悞事機欽此欽遵西
虜之當撫賞聖明已見之審矣先發緊急錢糧應
用餘俟續發皇上已不惜其繁費矣戕宜付之忘
言然而有不得不言者不暢言其情事其究必謂邊
臣之愚而孟浪也必謂邊臣之費而寡益也撫夷不
如養士欸賞不如內備督臣與戕亦具有心豈遽出

諸臣下不知言撫言賞必不可忘戰守也。卽言戰言
守亦必不可無撫賞也。試執途之人而問之曰。虜不
好財而好義乎。必曰不然。再執三尺童子而問之曰。
虜真可親而可託乎。亦必曰不然。然則歟。虜奚爲益。
○數○語○洞○然○
奴強虜衆強與衆合則危。奴遠虜近遠與近合則危。
奴在兩河虜在九邊兩河與九邊同時爲寇則危。當
廣寧之旣陷也。寧遠以東爲東虜。寧遠以西爲西虜。
中道隔絕。卽欲得奴中一信不可得。卽欲出關門一
步不可得。于時罕字羅勢耽耽謀犯。今化謀犯爲輸

心可乎不可乎。打喇明暗王燒餅等首明明作賊。今
化作賊而甘受罰。可乎不可乎。講虜講賞。不得便思
捨閑。今化捨閑而爲設帳。可乎不可乎。西虜之設帳
守閑也。大敵至。我不能保其不奔。然虜中之消息。奴
地之情形。非坐門之夷人。不能偵探。各閑各隘。皆有
坐門夷人。坐門夷人皆有賞。守閑者。坐門之遺意也。
月給布米者。坐門遺賞之遺意也。借守門爲偵探。借
偵探爲羈縻。若竟恃夷人爲防守。而遂弛我之武備。
邊臣豈若斯之孟浪哉。當紛紛攘攘之際。索舊補新。

爭多嫌少。兩月囂然。知非通官所能決。我等盛陳兵衛以恫其心。又明曉利害以折其辭。信義旣申。恩威並洽。於是鑽刀說誓。事竟成矣。又虞通官之剋賊。下情之煽惑。我等復親臨給賞。馳馬關弓之桀驁。轉爲望闕叩頭之恭敬。彼所謂五帝不能臣。三王不能制。以秦皇之鞭撻。帶甲四十萬。不敢窺河西。以漢祖之威靈。擁衆三十萬。困於平城七日不食者。今合薊遼宜鎮之虜。同詞效順。不露爪張牙而俛首搖尾。昔爲我讐。今爲我守。此秦漢以來所僅見之事。惟祖宗

之福德貽於奕世。皇上之恩威播於遐方。是以荒
徼率賓。靈蠶嚮化。非朕等所敢叨天工。於萬一者。中
外聞之以爲不知費多少錢糧。要結夷虜。朕行撫夷
同知李增計算。自二月十二日起至六月終止。陸續
賞過各酋喫食限疋等項。僅賞銀一萬四千六百六
十六兩有奇耳。朕不敢濫費。朝廷之錢糧節約乃
爾。此不當山海六萬兵三四日之費。何事而辱盈廷
之過計哉。至於歹青拱免等所居。在河西襟喉之地。
東向與奴通。則直闔閭門。無煩後顧。西向與我通。則

密邇寧前。可以前茅。黠奴下香餌以釣反青。反青幾

此時強部。妙化及虎。微耳。

吞其餌。我不憂虎酋之不款。而憂反青之中梗。初因

煖太以通反青。繼欲因反青以通宰賽。反青通則宰

賽拱免抽扣。青反青。紗花五路。聞風而應。而醉生夢

死之愍。來則賞之。不來則聽之。已耳。今反青來矣。願

受款矣。虜情難測。其操陰陽之術。爲向背。所不敢知。

然猶勝於操戈以相角也。虞不假道。號終不可伐。奴

來而我兵當其前。反青諸部乘其後。奴能無懼乎。反

青等爲寧前受賞之虜。舊賞卷宗尚在。通官不得以

意爲增減也。虜之受賞。向給一印票。廣寧之卷宗雖失。而虜中之票。或有存者。王牧民之單。卽不可據。不有同知萬有孚可質乎。督臣與耿帳下之通官匪一。此不能瞞衆耳。掩衆口者。惟是廣寧寧前之賞十倍於朶顏諸部之賞。耿等是以亟亟然請命於

朶顏諸部賞於前鎮簿而煩碎

皇上

耳。若夫哈喇慎自有受賞之地。而其來也。非耿等要之而使來也。彼蓋爲討逆而來者也。非耿等藉之以爲援也。彼蓋慕義而思援者也。奴酋侵我疆土。以受之于屬夷。敢侮慢天朝。狡焉狂逞。所謂人人得而誅

之者彼以討賊來而我可謂賊之不必討乎。彼以好義來而我可謂利之重於義乎。向有先至之聲。未必有果來之實。如其來也。經費雖絀。不得不獎賞鼓舞。以示勸於四裔。盡聽其自來自止。王用三驅。邑人不誠而已。朕嘗熟審戰守之機。默察安危之勢。山海不穩。神京終屬可虞。廣寧不復。山海終屬不穩。今日之廣寧。非真不可取者。取之而思以守之。則朕無策矣。守土曰。民曰。兵曰。財曰。餉曰。器械曰。城垣。而今無一焉。四海之財已窮。萬民之力已竭。已窮而復窮之。既

竭而復竭之窮之竭之以復廣寧一片土。而此土不能長守。則天下事不可爲。遂不得已而思用虜以夷攻夷而我無所失。俟奴力疲而我乘而攻之。則廣寧可襲也。遼陽可圖也。卽西夷得之而猶勝于奴之得之也。此用虜之深心也。不然而歛自爲歛。守自爲守。此兩字原並行不悖。朕終日所抵掌而談者。戰守之事也。所淵默而籌者。皆借款以爲戰守之謀也。昔唐臣陸贄有言。夷狄強盛之時。圖之則彼釁未萌。禦之則我力不足。安得不卑辭隆禮。約好通和。啗之以利。

以引其歡心。結之以親。以紓其交禍。縱不必信。且無
大侵。雖非禦戎之善經。蓋時勢亦有不得已而然也。
夫以唐之強。視今日何如。以今日夷虜之交託。視吐
蕃何如。贅爲唐之名臣。而卑辭隆禮。啗利結親之說。
當時不斥其非。贅而處今之世也。戰不能爲贅。解嘲
矣。守邊部夷二萬之月餉三十六萬。爲且然而未必
之詞。而舉朝多詞爲實事。若費銀二三百萬。復得廣
寧。費銀數百萬。常守得廣寧。而勿失。我固甘心任之。
聖明亦未必嚴訶拒之。而今其可異乎。今日之事。守

無常形而歛有實費。終日修備而人或以爲未脩。每事惜費而人或以爲妄費。秦漢唐之強。豈無死士。而死士不能以收功。遼陽十八萬。廣寧十四萬。詎真木石其人歟。強虜猙獰。誰能必勝。閑門單弱。誰能永保。邊情一有差池。則以爲歛誤之也。嗟嗟此邊臣所以難於任事也。朕亦恃有皇上之英明獨操。乾斷不惑於兩字之言。爲宗社生靈計長久而已。朕具疏將畢。接得寧前海運通判吳士科報稱五月二十七日。晚望見北岸中右所地方清涼寺舉火。差舍人楊守

祖并船戶李成才等駕船至彼探看救回難民楊成明等三名成明係錦州錦安堡人成明供稱聞得廣寧城內首奴有兩個兒子帶領達子一萬守城四月內有土木慙西達子一二萬從瀋陽進境搶擄各屯堡人畜去訖後又趕牛車復從廣寧白土場進境至杜家屯搬運糧米住宿三四日東虜聞知帶領達子與西虜對敵斫射死西虜四五千活捉三四千餘者從原路出境有三岔河先搭浮橋後用聯行走奴酋搬移新城內居住有土木慙西虜往東北占住金台

白石羊骨舊寨、又聞奴酋調各處達子赴鎮江口及金州海蓋各海口防守等因、又據哨探遊擊左輔於六月二十七日會同叅將周守廉摘差通夷斬達子等哨至筆架山城探聽僻亂民人內有前屯衛軍金得元、在彼供說得元被虜過河東安插瀋陽城居住得元思鄉逃過河西、先在瀋陽、五月內聽聞西夷宰賽達子從長勇堡進入搶、至渾沿一帶將人畜搶去等因、各報 朕先是喇麻僧土三吉吶喊及通官朱梅等每言宰賽必圖報怨、朕謂宰賽有子女在彼安

能撒脫據云宰賽一子已逃回有一子二女在奴中
賽常言譬如死了止出得一身汗因囑番僧通官令
諸部酋長挑其怒以激之今兩報不約而同指爲宰
賽事顧宰酋之力未足以攻奴所云占仕金台石白
羊骨舊寨其言尚未可信也然以夷攻夷之計小試
其端而奴之役役以守鎮江南衛則戢之累疏請兵
請餉接濟毛文龍者不爲虛著矣凡屬夷情悉應具
奏

奏報撫賞錢糧疏

撫賞錢糧

奏報恭報撫賞錢糧事、天啟二年二月內該臣題爲
薊東天險可憑、亟議綢繆以控要害、以固陵京、以培
恢復根本事、奉 聖旨、這所奏各款、有裨防守、著該
部作速議行、欽此、隨准兵部咨開、覆奉 聖旨、俱依
議、欽此、隨該部主事晉淑朴解到、同寺馬價銀三萬
兩、聽臣撫賞三衛屬夷之用、又於六月內、該臣題爲
東事關係天下安危、大虜撫賞金錢難辦、時迫費劇、
謀貴僉同懇乞 聖明、亟定廟議、速發賞金、以濟急
用事、奉 聖旨、著該部作速看議來說、欽此、又准兵

部咨爲奉

旨會議事奉

聖旨西虜旣爲我用賞

賜不給何以固結其心這撫賞事宜旣會議明白著
於額外緊急錢糧先發應用餘俟續發便行與經督
官用心料理毋誤事機欽此又准兵部咨爲差官恭
解帑銀段疋以資撫賞事該大學士葉向高等會題
前事奉 聖旨覽卿等所奏撫虜禦奴以爲犄角具
見爲國籌邊朕意欣悅所請撫賞銀准發二十萬兩
蟒段等八百疋解至總督衙門務要點驗虜日名數
給散以爲朝廷款夷之錫欽此隨差兵部主事王登

三領解前來、臣卽發廣寧道撫夷僉事萬有孚查收外、先據寧前山石二道張應吾等稟稱、節年撫賞市貨皆係隔年預買、今已及期、尚缺市本、合先借用買備等因到臣、該臣一面奏請撫賞錢糧、一面行各道查堪委官員以憑委買去後、隨據兩道呈委管糧同知萬有孚理刑同知李增委官駢存信等、借動臣軍需并閑庫各項錢糧買辦貨物外、除將解到帑銀、各照數補還訖、其見在銀兩、臣等酌量緩急、委官買辦去後、該臣案查據前任遼東管糧同知今陞廣寧僉

事萬有孚呈蒙臣憲牌爲稽查撫賞事內稱會同遼東正安堡副總兵王牧民、大康堡遊擊朱梅等查稱西虜插漢夷酋虎墩兔等八大營哈喇漢夷酋抄爨巴領等五大營、一年春秋二季各該銀十萬兩、天啟元年未領秋季賞銀十萬兩、共三十萬兩、閱科賞北關後裔虎墩兔等妻中根兒等銀四千兩、視師樞臣張鶴鳴疏請坐口月犒銀六萬五千兩、原任遼撫王化貞懸賞虎酋助兵銀十萬兩、臣議進兵懸賞哈喇慎營十萬兩、復廣寧後防守廣寧寧前夾兵二萬

名歲犒銀三十六萬兩、往來講讐齋聚喫食銀十萬兩、合之共銀一百二萬九千兩、以上各項銀兩、先後緩急、頭緒多端、疏中不能盡載、臣另具揭開送閣部九卿科道衙門外、該兵部據揭覆議咨行到臣在卷、今照天啟二年兩防竣役、臣牌行撫夷僉事萬有采將撫賞用過錢糧、備細查明開報、據該道臣呈稱、自二月起至六月終止、賞過哈喇慎朵顏衛罕字羅勢、狹暈大煖太等共用銀一萬四千六百六十六兩、已經陞任經臣王在晉奏報外、自七月起至十二月終

止賞過揀漢虎墩兔抽拱等酋哈喇慎白彥等酋共
銀六萬一千八百一十八兩四錢六分六厘通計一
歲用過銀七萬六千四百八十四兩四錢六分六厘
內額賞銀四萬九千七百三十四兩八錢有奇齊累
喫食銀一萬八千六百五十八兩六錢有奇坐口夷
人米布月犒銀八千九十一兩有奇原議者如彼其
多而實用者若是其少則以揀漢八大營哈喇漢五
大營三季額賞其銀三十萬兩內哈喇漢尚未叩關
必待其款而後用之未款則否視師之月犒六萬五

總計是歲共賞銀三十萬兩

宣多若果能恢復疆域送款又何惜此區區也今

千兩必待坐門夷人俱至而後用之不至則否進兵

諭旨以爲自前崩至今撫賞久華今若復請須補

懸賞銀二十萬兩必待進兵斬獲逆奴恢復舊疆而

還債年之欠豈國力所辦不知王司馬所言之百

後用之不進則否夷兵每歲月犒銀三十六萬兩必

餘萬者恢復疆域進款也今有其事乎且知制敵

待取復廣寧防守地方而後用之未復則否又如虎

之後漸去大人數萬如昔日可以慨論乎

撤免廣寧背約應領季賞者三而臣等勒其二閱科

之賞亦并勒之未與計今所用者僅七萬六千有奇

臣原請百萬有奇者預擬應用之款而七萬有奇者

核據撫用之費臣之劑量查核審之又審期有一項

金錢必欲濟一項實用非敢漫然無據而妄列款目

以滋虛糜也者。至於不能盡用共款目。亦非臣條列之初心矣。若齎裹喫食十萬兩。則以九邊大部名王環列薊遼宣三鎮邊外者十之六七。如以朶顏三十六營。桀黠難馭。而其巢穴更近郊關。逆奴方以重賄婚媾。誘結諸虜。今也旣欲攜東虜之交。又欲借西虜之力。問餽招徠。往復講誓。用牒行間。機非一端。強梗者不得不嚼之以箝其口。恭順者不得不優之以勸其來。援舊乞新。夷欲難厭。朝三暮四。操縱隨機。皆藉賞以爲條縱。費宜從寬。必不可省者也。其停勒虎首。

二季額賞并閱科之賞。屈於一時之讐服。雖未敢信。信而爭。恐犬羊之性。終未肯忘情。旣投之骨。又在臨時講處。何如大都撫夷一事。難從漢法。斟酌秤停。如飼虎。如養鷹。時其喜怒。拘其饑飽。游環而善用之。不可拂其情。亦不可滿其欲。未宜執一歲之例。較以爲常者也。前發帑金二十四萬兩外。先出附餘銀四百九十六兩二錢。并罔寺銀三萬兩。以上三項。共計銀二十三萬四百九十六兩二錢。除用過七萬六千四百八十四兩四錢有奇。內補還先借銀兩。買備市貨。

已貯在庫并行委官見買者共該銀十二萬三千五百一十五兩六錢見在銀三萬四百九十六兩二錢以備各夷願領折色貨物之用原發到內庫蟒段等八百疋除賞過六十二疋其餘七百三十八疋見貯撫夷通判庫聽候天啟三年支用不足者容臣具疏請發今將用過錢糧查明奏報以備稽查再照欵事一年告成關外春防亦且將竣西虜效籬犬之役東夷無突豕之虞烽火不驚軍民安堵不可謂非用欵之一徵也所有在事效勞文武諸臣臣業已題敘奉

有明旨伏乞我皇上並敕該部查照原題速爲議覆施行

遵旨撫處屬夷報竣事

撫處屬夷

臣惟中國之馭夷伙也惟惠與威非惠無以堅其向慕之心非威無以折其獷悍之氣時威時惠一張一弛長駕遠馭之術也。朗素爲我屬夷果其率衆入邊殺我守將其罪何可勝誅。雖陳師鞠旅大張撻伐戮鯨鯢而築京觀。詎曰不宜但榆關一線所關最大晚艱已極如身寄破屋漏舟中一著少誤立見傾危臣

謂山海非內外華夷之限。社稷安危天下治亂之關也。河西淪陷之後。潰兵逃民。號呼晝夜。山鳴海沸。不忍見聞。西虜罕字羅勢。擁鉄騎二萬餘。壓境而陳。自開以西。洶洶皇皇。都門晝閉。良賤易服。士民商賈。綏裝南還者。絡繹於道。此乾坤何等時也。臣身在危關。生死呼吸。不可復支矣。急遣都司閻守信通官王擒胡持諭帖宣布。朝廷威德。又遣游擊張定番僧王喇麻從邊外假爲使。於虎墩兔而遇諸途者。從旁勸誘。仰藉我皇上寵靈。酋罕聞諭感泣。懷我好音。自

發夷帳三百頂、傳令屬夷、發夷帳一千頂、來守關門、而後關門之闔者始開、賣柴賣米、互相貿易、胡越一家、據撫夷各官冊報諸夷爲我運送過大小銃砲一百七十七位、紅黃銅鉛十萬一千二百觔、救送難民男婦八千四百七十七名口、接送馬羸牛驢四百二十匹、頭隻我之出哨遊騎、始及中前、漸而進于前屯、又漸而進於寧遠、廣寧、而關外城堡、雉堞、連雲、澤鴻、安堵、耕獲盈野、橐裝載途、遂使關外二百餘里之河山、還我祖宗版圖之舊原、其始、文吏誰紆一簪

武弁誰發一矢，不有諸夷護閑領哨，吾兵何能東向一步。兩年以來，塵靖烽消，不可謂非屬夷力也。律以入議之法，其功豈可盡沒。王愷輕裘緩帶，率爾出邊，已蹈履虎之戒，賊來不過十數騎耳。丁衆百餘，望塵而奔，愷遂墮馬，屢扶屢墮，竟死。虜手實其自貽伊戚，愷以局是臣任事所以殄也

諸夷之詞曰：邊外年成不收，偏地是賊，虎墩兔愁之賞，被哈喇漢部夾剗去。我家來輩大之賞，被崑都崙之有盜也

歹成部夾剗去。旣到邊外，那知將官雖未必其言之盡信，據閑外之流傳，其說似不虛。臣惟中國之法，殺

人者有抵而無罰北虜之法殺入者有罰而無抵今
則酋鄉獻其夾又送進馬牛羊二百九十七匹頭隻
既抵且罰漢法戎索已兩盡矣若更持之太過苛責
無已勢極中變竊恐入苙之豚終成出押之虎榆關
屯十餘萬之師糜數百萬之餉豈其專爲此么麼小
醜乎封豕長蛇尚爾耽耽何可一日忘備古人見小
敵怯豈果怯於小乎養其全力以待大敵之卒臨也
則酋初志止欲挾加新賞犬羊常態固可無問被緣
守將被殺不得不一追求今法令旣行國體常尊歟

局仍舊。大事尚可圖也。既經該道酌議前來，每歲加銀九百五十兩，必俟次年春防無虞，方准給領。其賞表裏應聽禮部查明，果無他弊，亦至次年每歲加一表裏，至足四表裏原數而止。臣奉從宜撫處，無失事機之命。早夜皇皇，惟恐越軼於事機之外。審之又審，既不吝賞以拂其心，亦不遽賞以驕其志。仍令照舊坐門出哨，我無招募徵調之繁費，有偵探警跡之實用。其於輿情，似爲允協。臣不揣衰憊，輒敢一力擔承，蓋社稷封疆安危利害所關者匪細，臣不敢艸艸

完事塞責於日前也。伏乞敕下廷臣再加詳議。更望我皇上俯賜宸斷施行。除將抵命真夷伯彥兒太行該鎮路押解出關。聽樞輔臬示以肅諸夷。其罰贖馬匹牛羊等物。責令各夷從遼東中後所送進查收。至於應敘撫夷各官。容臣遵奉明旨另疏分別敘錄。伏乞敕下該部速爲議覆施行。

條議款虜疏

條議款虜

奏爲老臣去國有日。報國無時。憂國有心。謀國無計。輒敢不避訾議。罄瀝赤衷。懇乞聖明俯賜採納。以

決安攘大計事。臣聞禦虜之道。戰守歟。三策盡之矣。其目有三。非截然岐而用之也。國家當累北之後。物力旣竭。決勝乏策。當以守而寓戰。大敵臨前。強隣接壤。遠以攜逆奴之交。而散其黨。近以結諸虜之好。而藉其聲。當以歟而寓守。能守能戰。策之上也。諱和言歟。不得已而用之者也。若虜之不爲我用也。人人能知之矣。歟。虜之不足恃也。人人能言之矣。省撫虜之費。以養兵。謝媚虜之名。以自振。言者色動。聽者神悚。豈不甚快。顧矯言腴聽可矣。要以今日危疆下手實。

著臣未敢以爲然。自王楹之死也。談者遂以欵爲射的。幾於廢格而不用。臣請據逆奴之始謀。考先朝之已事。叅驗於目前之利害。而知欵之一說。斷乎其不可廢也。臣聞逆奴之初舉事也。與隣虜哈喇漢宰賽昂扛諸酋。結爲婚媾。賄以金帛。歃血定盟。所掠財物。人畜。瓜分無吝。北結棟漢好兒。赴西連哈喇慎朶顏。順義王禩兒都司。永邵卜火落赤諸酋。厚橐金珠。以女妻小歹青之長子都令。去春抽扣兒因中前所殺其壻與甥。恣曰。奴酋許我女與我金銀。我不從。奴酋

而從天朝。願效忠順。庶其撫我也。顧殺吾使乎。夫逆
奴無虜不賄。無賄不重。夷狄之跡。徧於諸塞之王庭。
彼豈不知金珠子女之足愛乎。所費者小而所圖者
大也。夫我之謀逆奴也。猶逆奴之謀我也。其賄諸虜
也。欲以分我之勢也。我之欸諸虜也。亦欲以分奴之
勢也。有如不欸。是奴勢已強。又分而益之。我勢已弱。
又拒而攜之。強者益強。弱者益弱。禍未弭於東。而累
又啟於西矣。遼九塞之一也。建州之於諸虜。著面之
黑子也。一建州尚苦不支。而又驅諸鎮之虜。合爲一

建州也可乎。臣聞之奕者。海外有國手。世莫與敵。客有請對局者。視其子之所投而步趨之。善奕者竟不能勝。無他。因之也。胡不因逆奴之謀我者。還而視之。以謀逆奴。則欸不欸之利害較然矣。西虜之欸自

穆宗皇祖始。嘉隆間俺酋跳梁塞上。無歲不苦。虜烽火達於甘泉。迨孽孫把漢那吉內附。穆皇帝詔還之。而欸事始定。夫俺答歲歲侵掠。我之讐也。而不記其讐。還其愛孫。我之德也。而不有其德。封之名王。厚其緹遺。酋之子姓妻妾。寵以封號。常其時海內殷富。

士馬飽騰兵力非不足也。閣部督臣如新鄭如江陵如蒲州皆一時詰輔偉人力擔而任歟。非怯而畏虜者也。自宣雲薊遼以及秦晉九塞間無處不歟。虜金繒之費甚不貲也。歟事創始。局外之辭虜人之見朝紳駭愕爭言不可者。

人子如此

章滿公車

皇祖天包地容慨然獨斷誠謂我無所

費虜何肯歟。虜不歟而所費者愈多矣。迄今六十年來塞上士民父老緩帶。穉子咽哺。胡馬不窺於長城而羽檄無警於中國。皇祖之明賜也。今閔門之糧餉歲費三百餘萬以三百餘萬之費養戰士專力以

防東夷獨何愛於二十萬之費。不以撫西虜而乘暇以修戰守乎。臣聞造父習御於泰豆氏也。計步置木循而趨之。無跌失也。而後二十四蹄險夷若一。無他。因之也。胡不因祖宗已試之途轍。循而撫西虜。則款與不款之利害。又較然矣。夫衆人皆言戰而臣獨言款。衆人皆言款之費。而臣獨言款之必不可不費。竊謂款雖費也。而亦未嘗不省。何也。我欲戰。不得不借款以修戰。我欲守。不得不借款以固守。未可戰而矯言戰。不可不款而諱言款。今日之兵將。果足恃乎。

虜未款時。歡喜嶺跬步間耳。已化爲豺虎之場矣。今
關東二百里間。肩摩踵接。商民載途。非仰仗 皇上
威靈。諸酋奉約惟謹。而靳得之於戰。靳得之於守。臣
恐其未能也。況金繒二十餘萬。非臣創始。遼之舊例
也。其飽豺狼之腹也。非一日也。挾而奪之。虜能甘心
乎。夫逆奴之患遠。而西虜之患近。逆奴之勢孤。而西
虜之勢合。奴之來也。界隔河山。僅出一途。尚可借西
虜爲我屏蔽。而西虜則自昌達。薊自薊達。遼無途不
可入。而恣其蹂躪者也。我之備奴也。歲惟兩防。而虜

却越入城而入薊昌越薊昌而攻宣雲乎

詎意奴竟西收諸

之來也。一濠之外。便是大漠。朝發朝及。夕發夕及。飄忽震蕩。若風雨之驟至。無處不當防。徵以目前之事。朗素小醜也。一撤坐門。姑匿瓜歛翼以嘗我。而士馬之奔馳。封疆之震撼。行間之疑貳。道路之訛傳。廟堂之紛囂。數月以來。惶惶洵洵未已也。脫也大虜一動。烽煙四起。中外騷騷。宇宙間未知成何景象。臣之所大慮也。說者曰。嘉靖中不禦虜乎。彼一時也。法行令肅。將勇兵強。我以全力當虜。而今也不然矣。昔之虜志在搶掠。垂橐而來。橐飽而去。而今也。又不然矣。昔

之虜各安故巢。不相往來。旋入旋出。無所倚藉。而今也。又不然矣。我不受款。虜必颺去。且有收之者。是故今日之所最急者。在收西虜。而今日之所以制東夷者。在用西虜。西虜之足一搖。而漢夷之勝負分矣。何也。西虜之衆逆奴誘而得之。必且爲奴用。彼將以順義襖大永火諸部。掣吾之肘於西。以插漢哈喇慎朶顏三十六家諸部。扼吾之吭于北。自率建州之衆。與哈喇漢好兒。赴江夷諸部。彎弓鳴鏑。飲馬南海。直闖榆關襟肘方圓。寧可及乎。我款而撫之。必且爲我用。

以我關上之兵直走三岔衝其腹於前海上之兵捲
甲而趨犄之於其左諸虜之兵鳴笳而應角之於其
右海外毛文龍之衆時出銳兵以擾於老寨之南逆
奴四面受兵應接不暇陷之發陳以此又何暇於耕牧是坐困立銷
之術也假令諸虜不肯盡力以爲我用而我亦可用
其虛着以示聲援此臣所謂借款以修吾戰者也諸
虜與奴之交旣攜則奴必不敢遠涉西牧以乘我而
諸虜羈縻於吾條縱之中必不敢姦我戎索以撓我
嚴其簡練明其烽埃襁褓狎於壠畝斧斤尋於山林

此臣所謂借款以固吾守者也。關門戰守之兵計以三萬。關外分佈計以五萬。一切雜流計以一萬。而班兵不與焉。以之進戰。以之退守。亦自足用。其諸無用之冗員。冗兵。盡行裁革。通州惟實其舊伍。而以京營之兵三千出防佐之。天津新兵亦酌量裁之。冗費既裁。歲可省數十萬金。帑藏不虞匱乏。士馬不苦枵腹。而大司農攢眉蹙額之狀。幾可少舒。此臣所謂款虜雖費。而亦未嘗不省者也。臣竊謂以款之費計款。則我亦何貴於款。以款之利計款。則我何可以無款。以

不款之害計款。虜欲款。我固當款。虜不欲款。我亦不
可以不款。遼氛未定。我固不能不款。卽一舉而殲逆
奴諸叛將復兩河而定三韓。我亦終不可以廢款。雖
時有侵掠。張虛發以懾之。申戎索以繩之。而款終不
可廢也。無論先朝之恬熙。八鎮之靖謐。皆用款。卽遼
東一鎮全勝之時。剪王杲馘速八亥。威震殊俗。猶然
用款。先年遼之叅將王維貞。遊擊金尚禮。副將解生
備禦熊鑰。叅將郭有中。相繼淪沒於款。虜之手。而款
終未肯廢也。往姑無論。近年延鎮套虜潰遶深入數

百里。直犯延安。究亦未嘗不歸於歟。豈其盡皆怯懦
利擇其重。害擇其輕。提衡而酌之以權。不以戰而廢
歟也。自隆萬迄今。無歲不歟。入鎮之虞。無地不歟。矧
今三韓割裂。靡有孑遺。社稷安危。介在呼吸。獨可廢
歟乎。我歟諸虜。則可以壯東鄙之藩籬。我不歟諸虜。
則益以闢西來之蹊徑。歟之一著。我與奴爭。而用之
者也。彼其結婚以愚諸虜也。假令借其兵力。而仍存
其種落。併其單弱。而厚結其大部。犬羊嗜利。東西易
向。未可知也。顧逆奴心深而局淺。能爲謀而不能善。

用其謀。婚南北關。則滅南北關。婚宰賽。則虜宰賽。婚

昂打。則殺昂打。婚灰堂兀喇十部。則殺灰堂兀喇十

今西方之服於奴。及其強耳。

部。賄虎撒兔。則侮虎撒兔。叢雀淵魚。實爲我驅。是以

插漢哈喇慎朶顏三十六家。相率而盡。欸於我。合哈

喇漢五大營。又叩關矣。是豈人力。良由天心默佑。陰

奪逆奴之鑑。狐兔相殘。自斬其逆萌之根蒂耳。我之

欸諸虜也。不獨順諸虜之心。實仰承上天助順之心

也。樞輔每見臣。輒曰。今日之欸。邊方日用而不知。舉

朝日用而不知。天下日用而不知。作是語者。不一而

足無亦真見歟之必不可廢不啻其口出也乎昔漢
廷諸臣縉紳之儒爭言和介冑之士爭言戰今則反
是武夫怯而甘於和文吏激而快於戰臣又襲江都
長沙之唾餘冒言歟堅言歟極言其必不可不歟世
且以怯而畏虜者罪臣而臣非畏虜者也臣昔備兵
上谷褭甲而談挺刃相接竟裁青白諸酋金繒入萬
迄今三十餘年歲以爲例安免誘史車部衆出邊臣
請於撫臣王世揚招而還之倒戈以攻安兔走之馬
肺山下認罪罰贖而後復其賞屬夷徠暈大今朗素

之季父也。誘虎墩腦拱三大酋，擁衆十萬寇薊門。

神宗皇祖敕兵部馬上差官起臣於田間，臣聞命扶病趨任，遣通官黃進忠特諭帖宣布。朝廷威德三

折十萬之兵遂解。而屬夷之勢以孤，臣分兵扼險，窺
亭者輒殺之。逾年，狹酋計窮，叩關乞款。臣罰之銀一
萬六千兩，駝馬牛羊二千四有奇，而後許之款。以上
數事皆具題奉旨，非空言也。臣於用款之時，未嘗
不戰。今用戰之時，顧嗷嗷焉專言款。臣惟戰與款原
非分途，而用戰用款，時有後先，可戰卽戰，可款卽款。

期於制敵。惟其時而已。爲今日計。當視吾之力能戰。與不能戰。視吾之勢可戰與不可戰。固不係乎虜之款與不款也。果也將能而勇士銳而奮。甲馬器械堅強而鋒利。虜卽款乎。其孰能禁我以戰。脫也將靡而寡算。士渙而無統。甲仗皆窳而不銛利。卽不款乎。吾其何恃而戰。鄉隣有關者。以一人敵一人。勝負未可知也。合比閭之衆而擁護一人。擲榆一人。不待控拳戟手而勝負之機決矣。若曰必自一服敵人。而後可麾其比閭。掉背而去。猶之獨坐窮山而狎虎狼者也。

必無幸矣。今天下無人不欲祛欵，無言不欲罪欵，無事不欲中欵。臣雖老病昏慣，豈其不知身名之足惜哉？臣職任封疆，寄身於生死利害之場，不敢以封疆爲孤注，精神意念無時不輪軫於榆閑之外。援酌今昔之時勢，叅驗彼已之情形，一戰威奴，豈不甚願。以力以勢，旣所不能，舍欵而外，無應急之著矣。臣固毅然任欵，蓋欲借欵以修戰，非恃欵而忘戰也。雖舌劒筆鋒，時唇白簡，而臣斷不少移易其初志。蓋上念社稷之安危，下思封疆之利害，所關甚鉅，而臣一人之

身名無足惜也。今危遼之款。稍有次序矣。建威消萌。礪兵秣馬。迅掃黃龍之窟。肅清鴨綠之波。恢復祖宗二百餘年以來之版圖。樞輔必有成算。去國之臣無庸越俎而談者也。臣聞天下有治人無治法。罕李羅勢之入寇也。臣以款收之。揮漢虎腦。諸大酋之尋盟也。臣以款縻之。哈喇漢抄煖宰賽之媾於逆奴也。臣以款挑而攜之。朗素之欲寒盟不貢而去也。臣以款責而來之。譬之養虎賦狙。因所欲以誨其性而已。舍款不用。猶如蹄齧之馬。絕銜斷轡。尚可馳之驟之。

爲我用乎。臣去矣。後來撫虜者。果肯循其途轍。諸夷
自可恬於豢養。不然而必欲苛責而已。烏窮則喙。獸
窮則攫。終亦必債全局。逆奴非我屬夷乎。馭之不得
其道。今日責地界。明日爭木材。十餘年間。相尋無已。
皆是邊臣貪小利。忽大計。弱則跋之。強則
積怨深怨。一發燎原。竟致士馬傷敗。帑藏匱乏。竊據

三韓。毒流四海。延及蜀黔。以迄鄒魯。徐梁。趙魏。秦晉。
曾無寧宇。原其禍胎。皆逆奴爲之崇也。遂使宸極焦
勞。閭閻愁苦。國家六七年間。受無窮之實禍。殷鑑固
不遠矣。徐鴻儒于弘志。非中國之編戶乎。涿良通順。

非都門之近郊乎。深河洪花榆關西郭非塞內之時
服乎。其叛逆也。其劫掠也。豈亦欵夷也乎。萑苻潢池
盛世不能盡祛。戎狄豺狼王者治以不治。獨奈何以
中國不能自治者。而必欲執之治夷狄也。班定遠有
云。蠻夷懷鳥獸心。難養易敗。水清無大魚。宜蕩佚簡
易。寬小過。總大綱而已。此千古馭夷之明鑑也。如曰
平平無奇。別生枝節。以炫一時之觀聽。自啟釁端。而
誘罪於首事之人。臣卽不敢辭罪。如邊事何。伏乞

皇上天語丁寧。地方之責。各在當人之身。其猷敢有

不加意戰歟者乎。臣大臣也。世荷國恩。拮据三年。猶然以賊遺。君父。臣心懼焉。臣老臣也。大馬虛生。無能補於國家之萬一。臣實耻之。臣是以忘其狂瞽。不避訾議。而盡言之。今日不言。竊恐風燭難期。竟無可言之日矣。伏惟我皇上矜其愚。憐其朴忠。俯賜採聽。而容納焉。

皇明經世文編卷之四百六十五

華亭

陳子龍臥子 宋徵璧尚木

編輯

徐孚遠闇公 李 雯舒章

宋徵輿軼文參閱

陳學士集

疏

陳懿典

籌邊移稿序

國家威德翔洽、四裔咸隸于象胥、北虜雖倔强、時爲邊患、至 莊皇朝遂請比于外臣、當時持議者豈不

爭言虛中國以寔夷狄。長蘊裴憑陵之勢。消介冑敢戰之心。虜日驕而我日狃。驕則難制。狃則難振。一旦突起。何以應之。此非直攻欵之失。蓋深憂忘戰之害也。乃主議者亦曰。或可保十年無事。而及時以修戰守。我十年生聚。十年訓練。甲具廩盈。卽虜倏變。不足慮。此非獨稱欵之利。固求預養其戰之力。若然則言欵非便者。不必以罷欵爲便。要在不因欵而忘戰。言欵便者。非必以廢欵爲不便。要在乘欵而備戰。總之爲封疆求可久之策而已。貢市之開山。右與雲中上。

谷並肩其事。大虜雖住牧雲中。而毳幕去偏雁三關。
一望非遙。板升之衆。皆中國逋逃。築室耕樹。互市時
與虜雜而入市。窺我之虛寔動靜。日夜教虜以無厭
之求。索無端之賄。要挾邊吏。若不深惟遠計。一切徇
之。苟幸目前無事。歛市畢。秋防竣。卽綏帶而嬉。不問
兵食之登耗。不察險阨之凌夷。雖有軍府之申飭。閱
視之殷最。目爲故常。以空文塞白。如是則虜必輕我。
而生戒心。我不得不媚虜。而增撫賞。撫賞日增。不得
不脔削于軍興。而濶畧于備禦。邊事安得不壞。而歛

○言○歛○者○未○嘗○不○曰○修○備○而○其○實○事○必○至○于○此○此○歛○

○之○所○以○不○易○也

何可久也。趙大夫之治兵崑崙。蓋自太原守高第遷領邊道。大夫守太原民事之外。卽留心邊事。習知山右沿邊形勝。與諸虜情形。迨分憲臨戎。益求所謂保塞安邊計。念偏老與大虜僅一牆之隔。套虜止一水之隔。固不敢浪言戰。而破歟。亦不可怯言戰。而恃歟。欲歟之固。必在我有可以守。可以戰之具。而後虜不敢輕我。而後故額之外。無所要挾。而不增。如此而歟。神廟之初歟。事益堅者。亦以撫督大將皆能犁庭掃穴之人也。乃可以久而不壞。乃首條十二事上之制府中丞。制府中丞咸歎服大夫言爲鑿鑿至計。次第如大夫言。

行之。大夫益自奮發。躬歷諸路。相度衝緩。勾稽芻糗。調劑本折。與夫沂戍守。易將銜。廣城堡。選智勇之算。先後所上。公移累數萬言。旣得請。皆銳意力行。不避勞怨。務以洗因循之積習。而修綢繆之寔事。將吏覩大夫拮据苦心。皆鼓舞踴躍以來。稱固圉宣威之意。八年間。諸務爛然畢舉。虜歲入貢市。見內地備禦甚嚴。詢譯者告以趙兵使日討軍寔狀。虜咋舌驚用。是故額之外一毫不敢有所加。而大夫又精心提衡。斟酌于其間。歲節省數千金。積至于今。節省且幾十萬。

金輸之幕府。代司農年例。夫歛之弊。惟恐虜貪。難厭
虜衆。生齒日繁。勢必至于增額外以彌縫之。長此安
窮。而大夫乃能節之于額內。而醜虜帖然者。斯不亦
居平修備。預伐狡謀之明驗哉。嗟夫。世豈無閒居發
憤而談當世之務者。慷慨論列。務縱其筆之所欲到。
而不顧其力之所未及。惟夫身當一面。成敗利鈍。落
筆爲功罪之案。一語少不售人。卽執券而議其後。而
欲言必可行。行必可久。斯亦難矣。然歛貢之策。寔鑑
川王司馬堅持之。卽王司馬初建議時。亦不敢謂羈

○真○知○用○歛○之○本○謀○

縻之術可以畢世而無患止欲思得真心任事者因
款虜而內修備不苟徇虜之所欲乃可久有如趙大
夫之心其有當于王司馬乎惟有王司馬而後可以
操戎索亦惟有趙大夫而後可以堅虜盟創謀固艱
善守亦不易後之覽者其毋以公移而忽視云

爲西事孔棘敬陳一二方畧疏

竊惟寧夏一鎮卽古朔方之地背倚賀蘭黃河環繞
在昔赫連勃勃拓拔魏皆建都于此唐宋之季胡裔
李繼遷趙元昊據以抗衡中國今三邊皆爲國家所

有、而寧夏居中、適當襟喉之地、固一大都會、所以扼夷夏之衝也、邇者叛丁之變、不旬日間、噉賊父子勾連外虜、攻掠城堡、則惟其久蓄竊據之謀、特以剋滅爲端耳、今事將兩月、天兵四集、魏學曾旣已身親督戰、又加以葉夢熊朱正色之戮力、李昫李如松之奮勇、梅國禎之請纓、沈思孝之犄角、謂宜賊黨寒心、天威震疊、滅此而後朝食、然而京觀未築、螳臂尚逞、外示卑弱、以求赦緩、師中藏叵測、以勾虜伺隙、此其情形已見、正謂虜馬尚弱、未肯長驅、諸軍渡河、銳氣正

盛稍得延緩旬月之間。倏爾已屆秋防之候。著力免
之六枝牽連入犯。勢不得不掣兵以逆堵。諸鎮調合
之精銳。各有信地。勢不可以久聚而不歸。軍興繁冗。
轉餉艱難。不免內虞費而外虞劫。督撫將領事權相
壓。不免功相分而罪相諉。當斯時也。苟在我有一搖
動。彼且乘瑕蹈襲。以利陷虜。而以虜恐喝中國。遂將
行敬塘獻地之謀。逞元昊自立之志。臣愚料哱賊奸
兇計必出此。而圍城中旣劫于叛逆之鋒。又激于屠
城之旨。未必無華人爲之畫策效死者。今日之方畧。

固無他巧謬。語云兵貴神速。又曰師久則老。惟陛下
下亟敕當事諸臣。協心并力。已在軍中者。霆擊摧鋒。
未到軍前者。星馳赴敵。懽通官之有口。饒智者。陰入
虜中。諭以利害。不至爲賊聲援。令我得以一意攻賊。
別爲部署。附近偏裨。統率士卒。守諸要害。如花馬池。
興武營等處。以遮虜騎。勿令游擾。蓋此時虜中草枯。
馬瘦。不便馳突。而又貪漢物。未測大軍虛實。未必不
暫聽約束。于此而決斷。則可以討叛成功。于此而逗
遛。則或至蔓延生變。爲今日之計。惟有疾擊以下而

已。難者或謂大同之變劉源清主攻而卒以赦定。不知李富王子寶不過鎮卒。其勾虜止求脫死。今寧夏事以劉許爲名。誅賊父子。其垂涎南面。非一日矣。此非咫尺之書所能諭也。獨聞鎮城甲士不少。雉堞甚固。必大赦脅從。其中或有嚮應者。卽不然不至死心從賊。至于攻城之法。誘敵爲先。制敵之方。兵不厭詐。或陽爲敗北以牽其出。如韓信之背水拔趙幟也。或設爲反間以去其傑。如種世衡之計殺野利天都也。可問也。如是則賊與虜急。未得合首惡與餘黨急。當有變且。

暮可以成功。不然題覆動經旬月。彼此互相推諉。爲

時卜失免犯花馬池損麻黃等

虺不摧。爲蛇奈何。坐待虜騎交馳。首尾失措。國法莫

將戰却故賊失其援

伸。國體大損。九塞生心。三陲震杌。寧可不爲寒心哉。

若夫城破之日。預宜下令戒其妄殺。除首惡數人家

族外。士卒有人民居者。立斬無赦。而大變之後。尤宜

加意拊循。旣推威望。大臣一填鎮之。其大帥以下亦

各就中推擇更置。仍各選家丁之善戰者。補其缺伍。

文武吏士悉令久任。仍特請內帑一大賑之。起其瘡

痍。收其流散。庶幾叛虜誅則欵虜亦攝。一鎮安則各

鎮俱安。仁義並行，安攘互用。國家幸甚，天下幸甚。

擇用邊吏疏

臣惟國家九邊東起遼左，西盡甘涼，皆與虜爲隣。邇年獨宣大以款貢，故大虜中懷狡詐，外示馴服，稍得息肩。然頗聞旃裘逼近塞垣，關城全無限制，虜人往來內地，甚至結姻通貨，毫無忌憚。將帥苟幸旦夕，有司慮生事端，一切置之不問。憂方未已，若夫遼左則土蠻日肆，近雖奏捷傷殤已多，薊鎮則長昂窺伺，石門諸路屢聞失事。山西方憂套虜之潛謀，陝右更慮

各酋之狂逞。今日邊事。豈敢謂宴然無事。然臣觀前史。若李廣之在上谷。郅都之在雁門。祭彤廉范之破

烏桓。禦匈奴。董遵誨之治并州。領環慶。不過今邊方

大郡之守。皆能力抗驕虜。比重長城。固由當時郡守

錢穀。選其吏。兵。專其。號。令。最。是。良。法。列。郡。分。守。用。其。

權重。文武均屬。提衡軍門。咸歸統轄。而亦邊吏得人

之明效也。今日九邊文吏。有各道有府州縣正佐。而

總統于巡撫。武吏有副將。有叅遊。提調守備。而總統

于大帥。文武將吏。犬牙相錯。指臂相使。而總制于督

府。然則今日之總督。卽古連帥節度之任。自總副而

在皆稟號令聽調度。御雖文臣。寔大將也。其將領掛印登壇。不過奉令驅馳。冲遏堵截。乃褊裨之事。況其他乎。巡撫之任。亞于督府。而事權亦不相遠。司道之官。需次節鉞。而軍民皆其所制。邊隅重寄在于此。乃吏部于此諸臣。推陞遷轉。與內地一槩循資。而論用者。未必相宜。相宜者。未必久用。人情傳舍。其官旣不肯真心任事。邊事稍得曉暢。又未免轉而之他。此邊吏之當議者一也。至于邊方有司。其于將領有各分守一城一堡者。有軍衛有司共事一處者。將領之職。

重在戰鬪。有司之職。重在封守。然戰鬪所以防內訌。若外勦奇零。反置內地于不顧。苟有傷殘。豈得逃責。封守責在倂四境。若株守一城。而棄村落于不救。收係不及焉。能無罪。邇年以來。將領狡猾。虜至不能冲鋒拒堵。每每擁兵觀望。東西閃避。俟虜欲已飽。徐遲其後。斬獲一二零騎老弱。便誇功報捷。而內地俘掠剝殘。則諉之曰。此有司責也。而有司又袖手高坐曰。吾職在牧民。不任兵事。彼此推捱支吾。邊民安得不盡彫殘無遺。而邊事安得不敝壞殆盡也。臣愚以爲

欲求安邊之策。將領固當痛爲懲創。有司亦不可不加意責成。顧吏事本難。而邊吏則尤難。吏才不易。而邊才尤不易。自非大爲招徠。極意諮訪。不能得其人。自非破格鼓舞。久任練習。莫得其力。今詮曹註選。邊腹任臆。未嘗另爲推擇。毋論州縣之長。半是暮年。科貢精力強幹者。已若晨星。卽巍科年少。而文弱柔脆。漫昇邊地。此輩有聞烽股栗。安望其與武臣共爲拮据疆場也。昔人謂以戎馬之任。同諸俗吏之選。良爲可歎。及至旣任之久。豈無幹局智畧。堪寄扞圉運籌。

折衝可當一面者。而邊情乍習。他轉遽臨。或濶大豪舉。文罔少疎。隨以三尺繩其後。徒令英雄之士。有奇約結。未克施展。昔宋臣嘗建議。欲慎選仁勇之士。世守邊郡。安危利害。不離其身。不得不盡心以防患。今雖不敢望世其官。亦當師其意。使五年十年而後選。中間著有勞績。加銜進爵。若咨俸積久。州縣竟擢大府。二千石竟登節鎮。此邊吏之當議者二也。伏乞聖裁。

馭倭議

夫夷狄譬若禽獸封足以下之純政貪功遂至敗然馬能蹄牛能觸三尺童子尺箠

收天之幸然得成師而還然其辱國之罪甚于宗

使之則馭之有道也此猶其易者也猛虎巨象至毒

城之自焚矣此文其在封使夫道之有平

驚也至難近也而服馴服以爲宮闕範圍之觀夫亦

有術以駕馭之耳誠得駕馭之術卽其性有時乎不

測而吾術在固可以制其死命而無虞也故曰馭得

其道天下狙詐咸作使馭失其道天下狙詐咸作敵

馭倭亦若是而已今之言倭事者何其紛紛也外庭

衆論曹起而議欵之非而樞府制府又未敢堅任欵

之是始欲以貢解而衆以貢爲爭則又轉而曰封今

業以封爲請。而衆又以封爲爭。則又改而曰俟其請封之表至。在盈庭之議似正而未免多守局隨聲。

見在當事之心。似苦而亦未覩確然要領之籌。愚則以爲誠得其要領。卽貢亦可許。何有封誠未得其要領。則封且有害。而況于貢何也。夫今之交章而爭封。

貢者。大都謂貢則必開市賞。大費帑藏金錢。又增中國一欸虜也。何以支貢。則必循寧波故道。由淮揚入會通。窺見內地虛寔。倘猝起何以禦貢。則禦貢則必弛海禁。奸民大猾。闌出物交通勾引。苟有宋素卿王。

直輩。何以防範。此貢之不可也。又大都謂封則必求
貢。許之則貽害。不許則因之以構釁。封則必遣使。被
留則多邀。而被懾則不免于辱。國封則必解嚴守。訊
則生疑。而撤備則將至于大壞。此封之不可也。此數
者。豈可不爲之慮哉。然而愚皆權之矣。虜環邊而九
市。賞亦環邊。而九倭卽與市。不過修復一市。舶况虜
利吾鏹。而倭饒金。所貪漢物。縉絮也。何大費也。寧波
之道。祖宗朝累行之。卽琉球諸使。豈由他途出。苟
慮叵測。今如虜貢市于邊。例宴賞皆從海上行之。無

患矣。海禁雖密。然海舶何嘗不往來。吾不以虐政驅迫之。誰肯棄妻子。離墳墓者。卽一二杆閭盜魁一巡徼吏嚴訊之耳。至于封而不能却其貢也。則貢之害。不過如前說也。封而虞一介行李之投于不測也。則士大夫衆矣。豈無張搏望蘇屬國其人者。且席中國氣盛。倭卽兇狡。距敢踏梁陷王偉之轍。不然如洪武永樂間。以僧貢。以僧使。亦一說也。若夫沿海之汛防。卽塞之秋防。燧燧燧息之日。正加意整頓之時。所視廟謨之注嚮耳。故是數者。愚皆以爲不足慮所慮者。

獨○未○得○倭○所○以○起○事○之○由○與○所○以○求○講○之○意○耳○此○其○
形○情○之○真○若○經○畧○與○本○兵○果○洞○然○于○胸○中○則○雖○如○趙○
營○平○之○自○任○舉○朝○爭○之○勿○聽○可○也○而○何○有○于○呶○呶○者○
哉○蓋○封○貢○一○也○倭○欲○以○之○尊○我○則○我○重○我○欲○假○之○縻○
倭○則○我○輕○倭○必○欲○得○之○我○而○不○可○取○必○則○權○在○我○我○
欲○得○之○倭○而○不○可○取○必○則○權○在○倭○此○不○可○不○察○也○愚○
聞○閩○白○起○徒○步○奪○國○于○股○掌○之○間○兵○一○出○而○朝○鮮○若○
振○稿○意○其○人○必○高○歡○元○昊○之○流○也○其○人○如○高○歡○元○昊○
夫○豈○肯○以○金○紫○名○號○爲○意○又○豈○肯○得○一○國○垂○克○而○遽○

棄之而我兵之出也。平壤之克。碧蹄之阨。勝負亦相當。未嘗一大創之。而彼何以今日讓開城。明日讓王京也。議者因而疑講貢之之使。或以重利陰陽于其間。夫重利可媾而解。此陳豨之將。而非高歡元昊之將也。而一二口舌之士。又烏能憑軾而遂下之也。此形情之當察者也。據其形情而妄臆之。使關白而非高歡元昊也者。必不能一出而舉朝鮮。能一出而舉朝鮮。必非片言微利可動。而今旅進旅退。若此。意者必其國有內變。大則大臣人民。潛思翊戴故主。小則

身病子幼料望不及疆以外故欲邀惠天朝之封冊

鎮壓其反側乎。否則或山城君尚在。或六畿十三道
尚未盡傾附。號令尚有未行之處。故欲藉重封號。否
則或其人本無大志。驟起志滿。而士馬累歲物故者
衆。冲風之末。莫穿魯縞。不得不借此暫結局乎。否則
或其將校如行長輩。特爲威劫。久駐朝鮮。疲而思歸。
以歛飾其三敗之迹。以有辭于秀吉者乎。如其形情
果出于此。則彼且仰鼻息于我。我因而擁立之。是漢
宣之封韓也。我因而擁立之。是太宗之臣額利也。稍

或不聽約束。則馳片檄。仍立王氏子孫。削其封號。彼且內虞其衆。而外虞中國。不得不脇息而歸命矣。此如猛獸已入于檻圈籠絡之中。操之縱之。其權在我。又何難馭之有。如此則要領一得。卽明日張膽訟言封之。何辭之與有。自非然者。身在行間。而莫測敵情。彼以欸愚我。而我以欸自愚。以封請而表不至。以貢要而兵不解。以封貢爲端。而精甲隨其後。無論他日卽朝報可。而暮渝盟。豈不羞朝廷而損中國之體哉。獨奈何輕言欸也。